

永樂北藏



永樂北藏

趙樸初題



永樂北藏第一八二冊目錄

○大明三藏法數

續前

(本冊卷第十五至卷第三十六

池六—石七).....

一

一

謂人一念心起若善若惡雖未形

現地神已自知之變察於下矣

謂人作善作惡於隱僻之處自謂無人知

而不知傍人已知之矣

善作惡人雖未知自意已先知之矣

一名四寶

華言覺有情梵

經云若王欲

大明三藏法數卷第十四

池六

上天竺前住持沙門一如等奉 勅集註

四知

此佛經

天知

謂人一念心起若善若

惡雖未形現天神已自知之照臨於上矣

二地知

謂人一念心起若善若惡雖未形

現地神已自知之鑒察於下矣

三傍人知

謂人作善作惡於隱僻之處自謂無人知

而不知傍人已知之矣

四自知

謂心欲作

善作惡人雖未知自意已先知之矣

一名四實

此涅槃經

一名謂先陀婆四實謂水鹽

器馬如是四法皆同此一名此是大王密

語經云譬如大王告諸羣臣先陀婆來有

智之臣善知此名若王心欲水時口索先

陀婆者智臣善知王意即以水奉之索後

三物亦稱先陀婆智臣即以三物隨意奉

之以譬如來密語甚深難解諸大乘經亦

復如是若說四無常大乘菩薩應當善知

此是如來為諸衆生說無常苦空無我之

相今得證於涅槃解脫之道

菩薩梵語具云菩提薩埵

華言覺有情梵語涅槃華言滅度

一水

經云若王欲洗時

索先陀婆智臣即便奉水謂水無定性在
方器則方在圓器則圓以譬如來為諸眾
生說入涅槃大乘菩薩即知此是如來為
計常者說無常相欲令眾生脩無常想也
鹽經云若王欲食時索先陀婆智臣即

便奉鹽謂鹽味苦以譬如來或說正法當
滅大乘菩薩即知此是如來為計樂者說
於苦相欲令眾生多修苦想也**器**經云
若王食已將欲飲漿索先陀婆智臣即便
奉器謂器中本空以譬如來或說空者是

正解脫大乘菩薩即知此是如來說正解
脫欲令眾生修學空想也**馬**經云若王
欲遊索先陀婆智臣即便奉馬謂馬由人
策不得自在以譬如來或說我今痛苦大
乘菩薩即知此是如來為計我者說無我

相欲令眾生修無我想也

四念珠

出金剛頂
經

念珠者佛令眾生欲滅

煩惱當持數珠常隨其身專心繫念諸佛
名號故說數珠之多少功德之勝劣而有
四種之不同也金剛薩埵菩薩偈云念珠

池六

二

功德有四種上品最勝及中下一千八十
以為上一百八珠為最勝五十四珠以為
中二十七珠為下類手持念珠當心上靜慮
離念心專注設安頂髻或掛身或安頸上
及安臂由安頂髻淨無間由帶頸上淨四
重手持臂上除眾罪能令行人悉清淨無淨
問者無間地獄之業得清淨也淨四重
者殺生偷盜姦慾妄語之業得清淨也
一千八十珠為上品此珠為上品者以其
數多若持此珠念佛名號則功德利益極
為上品準校量數珠功德經云此珠若以

木槌為者或掐一過得福千倍蓮子為者
得福萬倍水晶為者得福千億倍菩提子
為者得福無量也**二百八珠為最勝**此
珠為最勝者以其數次於上品若持以念
佛名號則功德利益為最勝也若以木槌
蓮子水晶菩提子為者其持掐所得之福
亦如前也**三十四珠為中品**此珠為中
品者以其數又次於前若持以念佛名號
則功德利益為中品也若以木槌蓮子水
晶菩提子為者其持掐所得之福亦如前

也**四二十七珠為下品**此珠為下品者以

其數又次於前若持以念佛名號則功德利益為下品也若以木槌蓮子水晶菩提子為者其持摺所得之福亦如前也然此皆以珠數多寡而分四品之別若能專心

持念則功德平等而無異也

懷胎死四

出出曜經

謂調達比丘洩著世利於阿

難所求學神通能於虛空作十八變涌沒自由時阿闍世王太子見其神變日給五百釜食隨時供養於是世尊告諸比丘汝

等勿學調達貪著供養自陷於罪亦陷他

人遂說偈喻云芭蕉以實死竹蘆實亦然

駉驢坐姓死士以貪自喪

梵語調達華言天熱梵語阿難

華言慶吾梵語阿闍世華言未生怨駉驢即驢也姓即孕也

芭蕉生

實謂芭蕉本是危脆之物若更開華生實

不久即枯死以喻人身無常亦不堅實若

更要求名譽貪著利養則自陷於罪亦陷

他人也

此下三喻義同

蘆開華

謂蘆葦亦是危

脆之物若更開華不久即枯死也

三竹生

米謂一切竹若根力衰敗枝則生米不久

即枯死也**四驅驢姪**謂驅驢若懷姪即母

子俱喪也

四葬

出法苑珠林

此四葬法皆西域殯葬之法也

一水葬

水葬者謂棄置江河以飼魚鰲也

二火葬

火葬者謂積薪而焚滅諸有相也

三土葬

土葬者謂埋藏岸傍以取速朽也

四林葬

林葬者謂露置寒林飼諸禽獸也

寒林即西域棄尸處僧祇律云謂多死尸凡入者可畏毛寒故名寒林

虹蜺四緣

出法苑珠經

緣而有勝妙果報不同故立多種譬喻此

虹蜺爲一也謂諸菩薩因於善根業行而

有香華種種技樂音聲於虛空中自然而

作以爲供養然彼業行因緣雖不至於技

樂音聲之中而亦因彼善業而有種種勝

妙供養果報也譬如虛空雜色虹起而因

地水火風四大因緣而生然四大雖不至

於虹蜺之中亦因四大而有種種色相顯

現故說虹蜺四緣也

地大生黃

謂虹蜺體

具衆色其中黃色乃假地大而能映現蓋

土之色性本黃虹必依地而起故云地大

生黃也**二水大生青**

謂虹蜺體具衆色其

中青色乃假水大照映而起蓋水之色性

本青虹必因雨而有故云水大生青也**三**

火大生赤

謂虹蜺體具衆色其中赤色乃

因火大而能顯發蓋火之色性本赤虹必

因日照而現故云火大生赤也

四風大生

輪謂虹蜺隨處現起初無實體因假風大

之力所持而體如輪暈之相蓋風之體性

本能運動故云風大生輪也

四兵

出長阿舍經

謂轉輪王出遊之時即集此四

兵隨從而衛護也

一象兵

謂轉輪王出遊

之時其軍士皆乘象也

二馬兵

謂轉輪王

出遊之時其軍士皆乘馬也

三車兵

謂轉

輪王出遊之時其軍士皆乘車也

四步兵

謂轉輪王出遊之時其軍士皆帶甲冑隨

從步行也

四華

出翻譯名義

一分陀利

梵語分陀利華言白

蓮華

二優鉢羅

梵語優鉢羅華言青蓮華

三鉢特摩

梵語鉢特摩華言紅蓮華

四拘

勿投梵語拘勿投亦云拘某陀華言黃蓮

華

又四華

出法華文句

一曼陀羅華

梵語曼陀羅華

言適意又云白華

二摩訶曼陀羅華

梵語

摩訶華言大即大適意亦云大白華

三曼

殊沙華梵語曼殊沙華言柔軟又云赤華

四摩訶曼殊沙華

梵語摩訶曼殊沙華言

大柔軟亦云大赤華

五種法身

出華嚴經隨疏演義鈔

一法性生身

謂此法

性體本圓常該通萬有如來之身由此出

生故名法性生身

二功德法身謂如來以

萬行功德為因而成法身之果故名功德

法身

三變化法身謂如來法身無感不形

無機不應如千江月隨水現影影雖有殊

月本是一故名變化法身

四虛空法身

謂

如來法身融通三際包括大千一性圓明

諸塵不染故名虛空法身

三際者即過去現在未來三世

也

五實相法身謂如來法身離諸虛妄會

極真如不生不滅故名實相法身

五教佛身

出華嚴一乘教義分齊章

五教者即小始終頓

圓也佛身即如來之身也如來之身徧一

切處本無大小形量但為衆生根器利鈍不同故曲垂方便演說種種法門示現種種身相即有五教佛身之異也

一小教丈

六身

謂如來示現降生出家成道於鹿

野苑說四諦生滅之法專化二乘而二乘

但見丈六金身故名小教丈六金身也

四諦

者苦諦集諦滅諦道諦也
二乘者聲聞乘緣覺乘也

二始教千百億

化身

謂如來次說大乘之法廣談法相於

千百億世界中示現種種色身正化菩薩兼化二乘以衆生所見各各不同故名始

教千百億化身也

菩薩梵語具云菩提薩埵華言覺有情

三

終教丈六即真身

謂如來次說大乘終極

之理會一切法咸歸實性二乘闡提悉得成佛機緣既熟所見如來丈六之身即是真常之體故名終教丈六即真身也

闡提梵語

具云一闡提
華言信不具

四頓教丈六即法身

謂如來

不從漸次唯談圓頓之理空有兩亡色心無礙大乘菩薩了一切法無非法身故名頓教丈六即法身也

五圓教具足十身

謂如來稱性宣揚圓融法界之理法法互

融塵塵無礙統諸教差別之身全法界平等之體菩提願智等身無不具足故名圓教具足十身也

梵語菩提華言道十身者相好莊嚴身威勢身意生身福德身法身智身也

五部教主出大樂金剛不空真部謂部類教

謂言教主即主宰此之五部乃是如來金剛不空真實三昧法門也而依五方立五部以五佛為主者各有所表也中方毘盧遮那即釋迦如來也四方四佛乃釋迦化現以表諸佛同一法身也以如來入種種

三摩地說種種陀羅尼門雖各分部類各有壇法而皆與般若理趣相應也然此法門為令衆生三業清淨得金剛智三摩地而行慧施不為煩惱染汙成就無上菩提而證清淨法身也

梵語三昧華言正定梵語毘盧遮那華言徧一

切處梵語釋迦華言能仁梵語三摩地華言持梵語陀羅尼華言總持梵語般若華言智慧三業者身業口業意業也金剛智者如來智慧無法不知無惑不斷如金剛至堅至利故云金剛智也

中方灌頂部灌頂喻也如

輪王太子受儲君位輪王乃取四大海水灌太子頂加以寶冠以喻毘盧遮那已得

一切如來灌頂受佛職位而為三界法王
 以清淨法界智演說般若相應陀羅尼加
 持衆生身口意業悉得清淨亦受灌頂之
 位而證清淨法身是為灌頂部故中央以
 毘盧遮那為教主也

三界者欲界色界無色界也

二東

方金剛部 金剛部者謂如來證得佛地觀
 衆生藏識中煩惱習氣堅固難捨以大空
 金剛智三摩地而摧破之不離大圓鏡智
 而演說般若相應陀羅尼令諸衆生得清
 淨三業而悟本有不壞金剛佛性是為金

剛部故東方以阿閼佛為教主也

煩惱習氣者煩

惱餘習氣分也大空者即畢竟空也梵語阿閼華言不動

三南方寶生

部 寶生部者謂如來得三界法王位入金
 剛寶三摩地愍念衆生而行慧施心無悋
 惜三輪清淨以平等性智說諸陀羅尼令
 諸衆生所求一切伏藏皆得現前而證得
 河沙功德是為寶生部故南方以寶生如
 來為教主也

三輪清淨者謂能施之人所施之物及受施之人皆無取

四西方蓮華部

蓮華部者謂如來得自

性清淨法身而住穢染濁惡世界不被一

切煩惱染汙猶如蓮華入清淨三摩地以妙觀察智說諸陀羅尼令諸衆生證悟清淨法界如蓮華不染諸垢具足一切無漏善法是爲蓮華部亦名法部謂以此法門加持極樂世界水鳥樹林皆演法音故西方以阿彌陀佛爲教主也此六
語阿彌陀華言無量壽
五北方羯磨部
梵語羯磨華
言作法又云辦事謂佛持一切如來智印入大悲三摩地以成所作智說諸陀羅尼加持一切衆生得無礙身語意業令藏識

中殺害雜深種子悉盡無餘一切事業皆悉成就是爲羯磨部故北方以不空成就如來爲教主也藏識即第八識也
佛觀五事降生出因佛於樂率天宮將欲降生先觀五事而後託胎也梵語兜率華言知足
諸衆生熟與未熟
謂如來將欲降生先觀衆生根機熟與未熟以此土衆生根機成熟可度故現降生也
二觀時至未至
謂如來將欲降生先觀衆生可度之時至與未至以度生時至故現降生也
三觀諸國土

何國處中

謂如來將欲降生先觀世界何

國居中以迦毘羅國居大千世界之中故

於此國現降生也

梵語迦毘羅華言黃色

四觀諸種

族何族最盛

謂如來將欲降生先觀種族

貴盛以刹帝利種族極貴最盛故於此族

現降生也

梵語刹帝利華言田主

五觀過去因緣誰

最真正應為父母

謂如來將欲降生先觀

過去因緣誰可為其父母以淨飯王摩耶

夫人真正無邪宿有因緣可為父母故於

此王宮現降生也

摩耶梵語具云摩訶摩耶華言大術

佛五姓

出釋氏要覽

西域記云姓所以繫統百世

使不別也佛祖統紀云世人皆知如來為

刹帝利之主種而不知瞿曇釋迦前後立

姓之由瞿曇之義有四或云純淑或云地

最勝此從本德而稱也或云甘蔗或云日

種此就本緣而言也

地六

釋迦之義有三據德

立號則曰能仁依處稱名則曰舍夷直林

然釋迦立姓之由雖因甘蔗王之四子而

實出自瞿曇也瞿曇釋迦稱雖有異姓即

是一或加日種甘蔗舍夷列為五姓則本

末相分源流一致是知舍夷釋迦二姓出自甘蔗甘蔗出自瞿曇其實皆刹帝利王之一姓也梵語刹帝利華言田主**一瞿曇**梵語瞿曇華言純淑又云地最勝謂於人類中此族最勝故也十二游經云刳初有王名大茆草王禪位於臣往師瞿曇仙人修道遂受其姓名小瞿曇後裔相承為姓故云瞿曇也**二甘蔗**本行經云大茆草王即小得成王仙壽命極長老不能行時諸弟子出外乞食恐師有虎狼之患遂以草籠盛之懸

於樹上獵人遙見謂彼是鳥乃射之滴血於地生二甘蔗日炙開剖一出童男一出童女大臣聞之迎歸王宮養育長成男名善生以王種故遂立為王號甘蔗後裔相承為姓故云甘蔗也**三甘蔗**池六謂甘蔗王由日炙甘蔗而生遂以日為種故云日種**四舍夷**謂甘蔗王第四子名列成為父擯出至雪山宜樹林住其後建國名舍夷遂以其處為姓故云舍夷**五釋迦**梵語釋迦華言能仁本行經云甘蔗王第一妃善賢生

子名長壽第二妃生四子一名炬面二名
金色三名象衆四名別成時善賢妃欲立
長壽白王擯遣四子出國至雪山北住直
樹林中其第四子別成爲王自立城居以
德化人即爲強國父王追悔遣使往召辭
過不還父王歎曰我子釋迦遂以德爲姓
故云釋迦也

佛有五事

出增一
阿舍經

一當轉法輪

當轉法輪者

謂如來出世既成道已當轉法輪度脫有
情饒益一切如轉四諦法輪先度五比丘

等是也

四諦者苦諦集諦滅諦道諦也五
比丘者一阿鞞二跋提三拘利四

陳如五
迦葉也

二與父說法

與父說法者謂如來

既成道已惟念父恩最重當與說法令其
享壽無窮正法治化及得遠離塵垢得法
眼淨是故還於本國與父說法普曜經云

佛出家時與父母誓若得佛道還度父母

今得佛道必當還國說法度脫不違本誓

也

法眼者謂見色心麤細
因緣假名俗諦諸法也

三與母說法

與

母說法者謂如來成道已惟念母恩育養
情深況有誓願還度父母是故爲其說法